

泰州志卷之六

城池 街市坊巷附

南唐昇元元年升海陵縣爲泰州以褚仁規爲刺史築羅城二十五里濠廣一丈二尺周顯德五年詔州刺史荆罕儒爲團練使營州治增子城於東北隅更築城自子城西北至西東南至南合西南舊城周十里一十六步皆甃高子城一尺而厚如之今城是也宋建炎中通判馬尙增修盡甃其外爲四門爲甃城高三丈二尺趾二丈面三之一廣濠至五丈深一丈四尺城之南又增一濠紹興辛巳完顏亮寇州城廢開禧丙寅權守趙逢

泰州志

卷之六

城池

始修築守翁潏何剡繼之六七年間纔甃二里餘朝以委提舉茶鹽事施宿申免耗鹽本錢一年置窰百座乞鎮將軍並庸夫重甃其表視舊增五之二寶慶丁亥守陳垓叔開東西北外濠浚南濠通十四里面二十四丈深一丈五尺端平後守趙汝擢增治城濠未竟守許崇繼之四角爲月河深廣皆倍於舊又別於城北湖蕩中創堡城去城五里謂之新城提刑丁口提舉邱岳制置司趙葵實主之淳祐元年北兵突至以濠深不敢嚮而覘堡城乃命守趙瑛夫修城浚濠益嚴備禦工未竟元兵襲通州或謂海陵難守議改築而邑人安土重遷

年命都統王安來仍舊修浚以提舉提刑惠孔時爲之
提督後何舜臣復增月城四門濠池甬路及圃子外濠
岸使周圍相通元至正十三年五月張士誠爲亂公私
房舍寺觀廟宇燬爲瓦礫官民潰散舊有堡城修築據
守設置義兵元帥府並設泰州衙門是年士誠卽據高
郵二十五年舊志言洪武乙巳案士誠滅後始稱洪武
元年此仍至正二十五年從正史改正
士誠泰州守禦官夏思恭院判張世俊議修葺舊城南
興工而徐達兵至泰興江岸河港不通調撥軍士自大
江口挑河十五里通口岸直抵州之南門灣常遇春率
馬步兵從揚州陸路同日至交戰思恭等敗退保新城

秦州志

卷之六

城池

二

達等大軍入舊城屯駐進圍新城遇春復東築海安鎮
城屯兵拒絕通州糧道閏十月庚辰諸將克新城擒士
誠將嚴再興夏思誠等舊志言士誠退保新城府志仍
之案士誠於元順帝至正十三

年五月陷秦州是年卽據高郵十六年陷平江路自高
郵都之二十五年明兵取秦州二十七年克平江士誠
被擒自縊死士誠自都平江後並未身至秦州何得言
士誠退保新城又明紀事本末載明兵克秦州擒士誠
將嚴再興夏思誠等
則夏思恭當係思誠遂於舊城修築畱兵鎮守繼而建

設州治及守禦千戶所而新城及海安城俱廢城周圍
二千三丈二尺計一十二里四十七步高二丈七尺趾
濶四丈面二丈城門樓四座東曰海寧西曰阜通南曰
迎恩北曰迎淮月城四座南北水關二座窩鋪八十一

濠深一丈一尺廣五十二丈袤二千三百八十丈五尺爲海防要害萬厯十四年大水城垣四周傾圮四百八十丈窩鋪三十間州守譚默申請海道胥遇蠲公帑鳩工役具甓修築設南北水關通城內市河城內橋梁皆明時州守前後相繼修建

國朝康熙十三年知府金鎮首捐俸令知州嚴愈率士民協修城垣至乾隆三十二年歲久知州王鎬詳請重修總督高晉巡撫明德會奏奉

旨准行乃檄行淮揚道巴靈阿揚州府知府楊魁監督辦理勘

估城通長二千一百四十一丈四尺九寸高二丈六尺

秦州志

卷之六

三

六寸底寬三尺五寸頂寬二尺五寸城上排牆高二尺六寸五分厚一尺五寸墜口二千八百一十二座每座長六尺並六尺一二寸不等高二尺四寸五分厚一尺城上海漫輒高四寸四分寬二尺二寸月城四座外皮通計長一百七十九丈九尺一寸裏皮通計長一百五十八丈六尺三寸高二丈六尺六寸底寬三尺頂寬二尺四面裏外城門臺八座南北水關二座城樓四座每座三間通共估工料銀九萬八千七百六十三兩七錢一分一釐派員領項承修第一分工前任秦州分司張景宗第二分工興化縣知縣林光照第三分工裁缺東

臺同知伍寶第四分工泰州知州王鎬第五分工前任揚糧通判孫步雲暨泰州裁缺州判王謨第六分工甘泉縣知縣龍燦岷每分派領工銀一萬六千四百六十六兩五錢於乾隆三十五年總督高驗勘收工順天府尹邑人程盛修爲知州王鎬作記

案月城卽四門外之甕城舊志言上有堞樓門各一座卽馬尙所增建者萬厯二十五年新之改扁東鎮海西控淮南襟江北拱極乾隆三十五年新修後樓在正城門上月城只垣墉周圍之門外嵌小石扁仍前署東曰海寧西曰阜通南曰迎恩北曰迎淮

泰州志

卷之六

城池

四

子城州城內東北隅周二里二百步表裏皆圍以甕卽荆罕儒所建今當察院馬廐之間城盡圯州治移故海陵縣基乃子城之西也

新城州治北五里周圍一百丈卽許堪創建堡城也宋德祐二年元阿朮遣兵拔新城畱屯以逼泰州元末爲張士誠僭據明初平之今廢

海安鎮城州治東一百二十里南北朝戍守處也陳太建五年師克齊城海安唐景龍二年析海陵置海安縣開元十年省入海陵明徐達徂淮東時常遇春築城於此表裏甕甓周二里三十步後圯嘉靖間值倭亂巡撫

唐順之兵備副使劉景韶重建四周土城六里許水關三座城門三座曰鎮寧曰泰寧曰永安今東西兩門尙存

街

州治前大街東至察院街西至西橋

南門至北門大街三里自大寧橋北闡闡鱗次相接登仙橋南稍疏濶

南門外至高橋約二里市廛稠密北門外坡子坊市

廛尤盛北至趙公橋三里餘

東門至西門大街三里東門外卽迎春橋西門外卽城濠

案東西大街至今有石鋪地相傳宋元時人煙稠密

秦州志 卷之六 街市 五

今四隅多墾爲田當由明初徐達常遇春攻拔秦州兵火之後遂不復整密也

十勝街在州治西南入樂真橋小街西至伏龍橋相傳宋太祖從周世宗兵入秦州一日十勝及宋興

受命敕名日十勝街

新盛街北抵州治南通稅務橋東西街狀元街在儒學西一名儒學大街明嘉靖間

學正陳琦因宋王俊父中狀元故名

運司街在州治南銀行街在州治西南

米行街在州治西南鼓樓街在州橋東北

坡子街在北衣街在坡子

西倉街在北鹽浦在北

市

新橋市

即南北關二市

東河市

城東三里

蒲鞮市

一在登仙橋北一在狀元街一在三三街坡北

姜堰市

城東四十五里

坊

大寧坊

天寧坊

太和坊

元履坊

文利坊

進德坊

鐘樓坊

嘉泰坊

州後坊

已上城內

坡子坊

管王坊

東壩坊

東城莊

安家坊

太平坊

小關口

演化坊

清化坊

招賢鄉

泰州志

卷之六

街市

六

便民東甲

便民西甲

郁家鋪

耳小甲

已上北門外

南一鋪

南二鋪

已上南門外

巷

歌舞巷

市巷

南阮巷

北阮巷

鐘樓巷

姐畱巷

務巷口

萬家巷

周五巷

預備倉巷

荻柴巷

蔡孝女巷

杜家巷

石人巷

已上俱在城內

堂子巷

東壩口

西壩巷

楊柳巷

搭包巷

索巷

石頭巷

旗杆巷

杜家巷

徐家巷

許家巷

顧家巷

繆家巷

雞鷲巷

嚴家巷

陳家巷

羅家巷

吉家巷

井兒巷

灣子巷

木廠巷 忠義巷 壇場巷 便橋巷 沈家巷

板廠巷 五條巷 已上北門外 瓜柳巷 滄浦巷

郁家鋪巷 盧方巷 河泊所巷 阜角巷 楊樹巷

瓶罐巷 井兒巷 竹木巷 已上南門外

秦州志

卷之六

街市